



ՀԱՂՈՐԴԱԳՐՈՒԹՅՈՒՆ

Ամենայն Հայոց կաթողիկոս Տ. Տ. Վազգեն Ա-ը Իր երրորդ հայրապետական այցելությունը շնորհեց Ադրբեջանի հայոց թեմին, հունիսի 7—10-ը:

Վեհափառ Հայրապետը շաքաթ օրը, հունիսի 7-ի երեկոյան, Բաքվի ա. Գրիգոր Լուսավորիչ եկեղեցում նախագահեց հանդիսավոր ժամերգության և հաջորդ օրը, կիրակի, ա. պատարագ մատուցեց և քարոզեց խոսմեքամ հայ հավատացյալ ժողովրդին:

Հետմիջօրեի Ադրբեջանի թեմակալ առաջնորդ տ. Հուսիկ եպիսկոպոս Սանթրույանը և թեմական խորհուրդը ճաշկերույթ տվեցին ի պատիվ Վեհափառ Հայրապետի: Ծաշկերույթին ներկա էին Ադրբեջանի և Անդրկովկասի Ծեյխովիսլամ Սուլեյմանզադեն, ուս պրավոսլավ եկեղեցվո Ստավրոպոլի և Բաքվի եպիսկոպոս Նորին Սրբազնություն Իոնան՝ իրենց ջբախմբերով, ինչպես և այլ հարանվանությանց ներկայացուցիչներ:

Ներկա էին նաև՝ Ադրբեջանի Մինիստրների սովետին առընթեր կրոնից գործերի լիազոր պրն. Աբդուլլահ Ախադովը և իր տեղակալ պրն. Սիմեոն Խլեվովը:

Երկուշաբթի, հունիսի 9-ին, Վեհափառ Հայրապետը Իր ջբախմբով պաշտոնական այցելություն տվեց Սովետական Ադրբեջանի Մինիստրների սովետի նախագահ, Նորին Վսեմություն Էնվեր Ալիխանովին՝ հայ եկեղեցու ողջույնը հաղորդելով Ադրբեջանի եղբայր ժողովրդին և կառավարության: Վարչապետի և Վեհափառ Հայրապետի միջև տեղի ունեցավ սիրալիր, ջերմ գրույց:

Վեհափառ Հայրապետը նույն օրը փոխ-այցելություն տվեց Ադրբեջանի և համայն Անդրկովկասի Ծեյխովիսլամին և ապա եղավ ուսաց Մայր եկեղեցում, ուր Նրան դիմավորեցին Նորին Սրբազնություն Իոնան եպիսկոպոսը, քահանայից դասը և հոծ թվով ուս ու հայ հավատացյալներ: Տեղի ունեցավ

հանդիսավոր ժամերգություն՝ քառաձայն երգչախմբի կատարմամբ: Վեհափառ Հայրապետը քարոզով մխիթարեց և ապա օրհնեց հավատացյալ ժողովրդին:

Ի պատիվ Ամենայն Հայոց Հայրապետի, երեկոյան տեղի ունեցավ մեծ ճաշկերույթ՝ տրված Ադրբեջանի Ծեյխուլիսլամի և ուսաց եկեղեցու թեմական առաջնորդի կողմից: Ծաշկերույթին ներկա էին նաև կրոնից լիազորը և իր տեղակալը: Փոխանակվեցին ողջույնի և եղբայրական սիրո խոսքեր՝ ոգևորիչ մթնոլորտում:

Վեհափառ Հայրապետի շքախմբի անդամներն էին՝ գեր. տ. Կոմիտաս եպիսկոպոս Տեր-Ստեփանյանը՝ առաջնորդ թեմին հայոց Վրաստանի, հոգ. տ. Նարեկ վրդ. Ծաքարյանը՝ վանահայր Գեղարդա վանքի, և Հայկ Առաքելյանը՝ դիվանապետ Մայր Աթոռի:

Վեհափառ Հայրապետը վերադարձավ սուրբ Էջմիածին հունիսի 10-ին:

ԴԻՎԱՆ ՄԱՅՐ ԱԹՈՐԻ

12 հունիս 1969 թ.,

Ս. Էջմիածին

